

Молебен перед рождением

и о разрешении семейных и жизненных нужд.

**Благословен Бог** наш всегда, ныне и присно и во веки веков.

Аминь

**Царю Небесный**, Утешителю, Душе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

**Бог Господь** и явися нам, благословен Грядый во имя Господне.

Стих 1: Исповедайтесь Господеви, яко Благ, яко в век милость Его.

Припев: Бог Господь и явися нам, благословен Грядый во имя Господне.

Стих 2: Обышедше обыдоша мя и именем Господним противляхся им.

Бог Господь и явися нам, благословен Грядый во имя Господне.

Стих 3: Не умру, но жив буду и повем дела Господня.

Бог Господь и явися нам, благословен Грядый во имя Господне.

Стих 4: Камень, Егоже небрегоша зиждущии, Сей бысть во главу угла, от Господа бысть Сей и есть дивен во очесех наших.

Бог Господь и явися нам, благословен Грядый во имя Господне.

**Спасителю**

**Тропарь, глас 4:**

Благодарни суще недостойнии раби Твои, Господи, / о Твоих великих благодеяниях на нас бывших, / славяще Тя хвалим, благословим, благодарим, поем и величаем Твое благоутробие, / и рабски любовьию вопием Ти: // Благодетелю Спасе наш, слава Тебе.

**Тропарь святой мученице Параскеве Пятнице, глас 4-й**

Премудрая и всехвальная Христова мученица Параскева, мужескую крепость приемши, женскую же немощь отвергши, диавола победи, и мучителя посрами, вопиющи и глаголющи: приидите, тело мое мечем ссецыте и огнем сожгите, аз бо радующися иду ко Христу, Жениху моему. Тоя молитвами, Христе Боже, спаси души наша.

Запевы (Первый возглас делает священник, за ним повторяет хор):

Слава Тебе, Боже наш, слава Тебе

Пресвятая Богородице, спаси нас.

Святая великомученица Параскева моли Бога о нас.

Слава, и ныне:

*Хор:* Избави от бед и скорбей раб Твоих, Владыко всемилостиве, яко мы усердно к Тебе прибегаем, милостивому Избавителю всех Владыце Господу Иисусу.

Спаси от бед рабы Твоя, Богородице, яко мы по Бозе к Тебе прибегаем, яко к Нерушимей Стене и Предстательству.

Призри благосердием всепетая Богородице на мое лютое телеси озлобление и исцели души моя болезнь.

Молите Бога о нас, вси святии, яко мы усердно к вам прибегаем скорым помощникам и молитвенникам о душах наших

Избавь от бед рабов Твоих, Многомилостивый, / ибо мы усердно к Тебе прибегаем, / милостивому Избавителю, всех Владыке, / Господу Иисусу

Спаси от бед рабов Твоих, Богородица, / ибо все мы после Бога к Тебе прибегаем, / как к нерушимой Стене и Заступнице.

Воззри благосклонно, Всехвальная Богородица, / на тяжкое тела моего страдание / и исцели души моей скорбь.

Моли Бога о нас, все святые, / ибо мы усердно к Вам прибегаем, / скорым помощникам и молитвенникам о душах наших

Акафист святой великомученице параскеве

## Кондак 1

Избранной Богом от рода благороднаго, Иконийскаго града, премудрой и всехвальной невесте Христо́ве, яко избавляемии тобою от искушений и бед, благодарственная пения и хваления восписуем ти молитвенницы твои, святая и многострадальная мученице Параске́во. Ты же, имея дерзновение ко Господу, от всяких нас бед свободи, да со умилением и радостью зовем ти:

Ра́дуйся, Параске́во, невесто Христо́ва всехвальная.

## Їкос 1

А́нгелом честну́ю и вселюбе́зную чистоту́ твоего́ сердца́, многострада́льная Параске́во, непоро́чно сохрани́ши, а́нгелом собесѣдница́ бы́ти сподо́билася еси́. С ни́миже воспевáя трисвяту́ю песнь Бо́гу на небеси́, услы́ши и нас, ве́рою и лю́бовию чту́щих тя и во-пию́щих ти хвале́ния сия́ на земли́:

Ра́дуйся, отрокови́це, Бо́гом Отце́м преду́ставленная́ бы́ти сообра́зной в страда́нии о́бразу Сы́на Егó; ра́дуйся, и Сы́ном Бо́жим укрепле́нная на по́двиги страда́льческа́я.

Ра́дуйся, и́стинную ве́ру в Животворя́щую и Единосущную́ Трóицу свято́ соблю́дшая; ра́дуйся, свято́е целому́дрие и де́вственную непоро́чность до́бре сохрани́шая.

Ра́дуйся, я́ко ра́достно уневе́стилася еси́ безсме́ртному Небе́сному Жениху́ Христу́; ра́дуйся, земна́го обру́чника́ па́че Небе́снаго зна́ти не восхоте́вшая.

Ра́дуйся, я́ко цвет чистоты́, в неувяда́емой сла́ве цвету́щая; ра́дуйся, я́ко крин, воня́ми твои́х добродете́лей нам благоуха́ющая.

Ра́дуйся, в Небе́сном вертогра́де неизрече́нную ра́достью наслажда́ющаяся; ра́дуйся, красне́йшаго па́че сыно́в челове́ческих зре́нием та́мо утеша́ющаяся.

Ра́дуйся, убели́вшая ри́зы тво́я в кро́ви А́гнчей на земли́; ра́дуйся, в ли́ке де́вственниц предстоя́щая Бо́жиему А́гнцу на небеси́.

Ра́дуйся, Параске́во, невесто́ Христо́ва всехва́льная.

## Конда́к 2

Ви́девше благоле́пие лица́ твоего́, святáя мучени́це Параске́во, лю́дие удивля́хуся, взира́юще на тя, не у́ ведя́ще красоты́ ду́ши твое́я. Мы же, помина́юще светле́йшия па́че со́лнца добродете́ли тво́я, пойм Го́сподеви, дарова́вшему тебе́ благода́ть Свою́: Аллилу́иа.

### Їкос 2

Му́дрости вме́стилище́ па́че ума́ мирски́х мудреце́в яви́лася еси́, отрокови́це непоро́чная, измла́да уклони́вшись от любве́ к ми́ру и отве́ргшись все́го, я́же в ми́ре, все́ю полното́ю любве́ твое́я возлюби́ла еси́ Небе́снаго Жениха́ Христа́, Царя́ Сла́вы, Ему́же, я́ко ве́рная раба́, в жити́й тво́ем апо́стольски послужила́ еси́, жи́вши свято́ среди́ неверных и безбо́язненно пропове́давши им Христа́ Бо́га. Таковóму твоему́ ра́зуму дивя́щеся, сия́ похвалы́ тебе́ воспису́ем:

Ра́дуйся, прему́драя Ева́нгельская́ де́во, во све́те ве́ры и дел благих́ ходи́вшая; ра́дуйся, Христа́ Го́спода, Бо́жию си́лу и Бо́жию прему́дрость па́че все́го возлюбив́шая.

Ра́дуйся, па́че мудреце́в ми́ра сегó мудре́йшая; ра́дуйся, па́че ста́рец идолослужите́льных разу́мнейшая.

Ра́дуйся, неверных́ све́том ве́ры просвеща́ющая; ра́дуйся, ча́д Це́ркве Христо́вы в ве́ре утвержда́ющая.

Ра́дуйся, лю́бовию твое́ю ко Христу́ а́нгельская́ ликостоя́ния возвеселя́ющая; ра́дуйся, де́монския лука́вствия ору́жием Креста́ Господня́ отгоня́ющая.

Ра́дуйся, в пропове́дании ве́ры богоглаго́ливая уста́ апо́стольская; ра́дуйся, дев хри́стианских украше́ние.

Ра́дуйся, ве́рная ко Христу́ Бо́гу моли́твеннице́ о нашем спасе́нии; ра́дуйся, всех скорба́щих кре́пкое заступле́ние и огражде́ние.

Ра́дуйся, Параске́во, невесто́ Христо́ва всехва́льная.

### Кондак 3

Силою Христовою соблюдаема, всеславная мученице Параскёво, о болёзнях телёсных небрегла еси, подвигом добрым подвизатися хотящи. Мужеским смыслом вооружившись, слабость женскую отвергла еси, упованием же укрепившись, радостно предстала еси на судище, идеже ясно веру в Троицу Божественную проповедала еси, Богу вопиючи: Аллилуиа.

### Икос 3

Слышав от тебе, мудрая дочь, неправедный судия неслыханная словеса о твоём рождении, яко благочестивии родители твои, страсти Христовы почитающе, знаменитаго дне тезоимениту ты нарекоша, Параскёвою, в предзнаменование, яко Христовых страстей имаши быти причастницею. Не разуме же сего нечестивый игемон, но вещаше ти безстудная словеса и повеле бити тя суровыми жилами и полумёртву ты сущу ввергнуть в темницу. Ты же, доблественне претерпевши жесточайшия муки, в темнице, аки в чертозе свете ликующи, вопияла еси: «Никогдаже отлучуся Тебе, Господи, но послй ми помощь Твою и спасй мя великия ради Твоея милости». Темже, уболажающе тя, вопиём ти такова:

Радуйся, незлобивая голубице, от искушений лукаваго врага свободившаяся; радуйся, словесная агнице, от злаго волка мучителя к доброму Пастырю Христу Богу прибегшая. Радуйся, во двор словесных овец, одесную Его стоящих, вшедшая; радуйся, на брак Агничий радостно текущая.

Радуйся, яко тебе уготовано есть благ вечных сокровище; радуйся, яко тебе обетовано есть блаженство Царства Небеснаго.

Радуйся, премудрая Евангельская дево, светло горящий светильник имущая; радуйся, дерзновение велие ко Христу Богу стяжавшая.

Радуйся, волею своею благое иго Христово на ся подъявшая; радуйся, сердце своё от всякия лести душевредныя чисто сохранившая.

Радуйся, истинная Христовых страстей причастнице; радуйся, во страданиях твоих благодатную помощь от Христа Господа получившая.

Радуйся, Параскёво, невесто Христова всехваляная.

### Кондак 4

Бурю тяжких искушений воздвигоша врази противу тебе, многострадальная Параскёво; ты же от твоих кровей трудолюбно чашу страданий испила еси, желаящи по Христе, Женисе твоём, во след потещи, прехвальная мученице, и яко ластовица доброгласная, песнь воспевала еси Христу Богу: Аллилуиа.

### Икос 4

Имея всегда пред очами своими Господа, за исповедание веры палицами немилостивно от мучителей биема, радовалася еси, приснопамятная мученице Параскёво, вопиючи: «Ничтоже мя разлучит от любви Твоея, Христе», и тако подвизаяся во Славу Божию, угодила еси Господу. Темже, поминающе честная твоя страдания, с умилением зовём ти: Радуйся, агнице вседобляя, Пастыреначальнику Христу принесшаяся, яко жертва благоуханная; радуйся, безсмертному Жениху Христу непорочное мучение твоё, яко вено пречестное, представившая.

Ра́дуйся, отрокови́це чи́стая, и́стинное испове́дание ве́ры Правосла́вныя пред неве́рными я́вившая; ра́дуйся, пра́ведная обли́чительнице, неправду нечести́ваго судии́ я́ве откря́вшая.

Ра́дуйся, я́ко тобо́ю посрами́ся лука́вый враг, ви́дящъ себѣ от ю́ной дѣвы побежде́нна; ра́дуйся, я́ко ра́дуются о тебѣ и си́лы небѣсныя, ви́дяще тя немо́щну и мла́ду су́щю, побежда́ющую лю́тых мучи́телей.

Ра́дуйся, голу́бице чи́стая и непоро́чная се́рдцем; ра́дуйся, смире́нная а́гнице, благоуспе́шно честне́й и блаже́нней стра́сти Господне́й уподо́бльшаяся.

Ра́дуйся, я́ко принесла́ся еси́ Зижди́телю тво́ему, я́ко кади́ло благово́нное; ра́дуйся, я́ко зрит на тя пресве́тлое Со́лнце пра́вды, тридне́вно возсия́вшее от гроба́ и укрепив́шее тя к по́двигу страда́льческому.

Ра́дуйся, я́ко за пресла́вная тво́я страда́ния сподо́билася еси́ вни́ти в черто́г Христа́, Царя́ Небѣснаго; ра́дуйся, я́ко та́мо вку́пе со святы́ми наслажда́ешься неизрече́нною ра́достью. Ра́дуйся, Параске́во, невесто́ Христо́ва всехва́льная.

## Конда́к 5

Боготе́чною звездо́ю прешла́ еси́ в ми́ре, страстоте́рпице сла́вная Параске́во, я́сно ве́ру во Христа́ всем пропове́даючи. Страда́ния мно́га и лю́та му́жески претерпе́вши, мучи́теля посрами́ла еси́ и ко Христу́ Го́споду, я́ко Све́ту незаходи́мому, ра́достно востекла́ еси́. Ему́же предстоя́щи с ли́ки пра́ведных, вы́ну вопи́еши: Аллилу́иа.

## И́кос 5

Ви́дяще си́лы небѣсныя пло́тию стра́ждущую Содо́теля ради страстоте́рпицу Параске́ву, Его́ си́лою крепя́щуюся, глаго́лаху: «Се, и дѣвы на земли́ просла́виша Го́спода!» Чело́вѣцы же, трѣпетом одержи́ми, ужа́сахуся и удиви́лющеся, пе́снями прославля́ху: «О чуде́се! Дѣва врага́ победи́ и мо́лится ми́лостивому Влады́ке за спасе́ние ми́ра». Сего́ ра́ди и мы, поминáюще испо́лненное ве́ры му́жество твоѐ, пресла́вная му́ченице, ублажа́ем тя, глаго́люще:

Ра́дуйся, до́блественная страстоте́рпице, в за́щиту ве́ры Правосла́вныя подвиза́вшаяся; ра́дуйся, наве́тов вра́жиих му́драя разори́тельница.

Ра́дуйся, Иконийскаго гра́да учи́тельнице; ра́дуйся, идо́льской су́етной ле́сти обли́чительнице.

Ра́дуйся, ве́рных смы́слы воня́ми добродѣ́телей твои́х благово́нствующая; ра́дуйся, смрад стра́стный благода́тию, свы́ше ти да́нную, отгоня́ющая.

Ра́дуйся, элли́нския куми́ры, я́ко прах, уничи́жившая; ра́дуйся, твои́ми по́двиги, и́же к Бо́гу, тьмы нача́льника низложи́вшая.

Ра́дуйся, го́рняя, па́че до́льних, восхожде́ния в се́рдце тво́ем положи́ти возлюбив́шая; ра́дуйся, Христу́ Го́споду, Человеколю́бцу, всю себѣ преда́вшая.

Ра́дуйся, подо́бно перво́мученице Фѣ́кле, мног наро́д сло́вом Бо́жиим просвети́вшая; ра́дуйся, неве́рных к Боже́ственной ве́ре привѣдшая.

Ра́дуйся, Параске́во, невесто́ Христо́ва всехва́льная.

## Конда́к 6

Проповѣдницу чудес и славы Божия явила еси себе, доблестная мученице Параскево, после преславнаго исцеления в темнице, от Христа Господа тебе дарованнаго. Ему же возсылая благодарственная моления, радостно мы вопием: Аллилуиа.

## И́кос 6

Воссияла еси, яко светозарная звезда, обагрившись каплями кровными, и Божественною благодатию отгнала еси безбожия тьму, мученице Параскево, просветивши верныя, чтущия твоя доблественныя подвиги. Тем же восхваляюще тя, усердно вопием ти: Радуйся, богомудрая дево, Христовых страстей общнице; радуйся, в темнице ти сущей, ангельскаго посещения сподобльшаяся.

Радуйся, в отраду болезней твоих орудия страстей Христовых созерцавшая; радуйся, Честный Крест и терновый венец нетленного Жениха твоего, Христа, узревшая.

Радуйся, язвы Господа на теле твоём носившая; радуйся, от всех язв Тем же Господом чрез ангела исцеленная.

Радуйся, яко Той же Господь даровал тебе крепость и премудрость, ей же не возмогша противитися вси противляющиеся истине; радуйся, от кровей твоих светлую себе ризу исткавшая.

Радуйся, яко тобою от многих ран грешнии исцеляются; радуйся, яко тобою от различных болезней, с верою ты призывающи, здравие приемлют.

Радуйся, уз греховных скорая решительнице; радуйся, о всех христианах пред престолом Божиим верная молитвеннице.

Радуйся, Параскево, невесто Христова всехвальная.

## Конда́к 7

Хотящу безумному мучителю игемону желание свое улучшить и паки покушающуся ласкательными словесы тебе, святая мученице Параскево, от истиннаго Бога обрати к поклонению идолом; ты же, яко богомудрая дева, вразумляя его в суетстве идолов, рекла еси ему: «Покажи ми, игемоне, богов, их же ты мниши исцеливших мя от ран», и по велению мучителя пришедши в храм идольский, помолилася еси единому истинному Богу, от Егоже Святаго имени вси идоли падоша и разсыпашася в прах, во уверение, яко един есть Бог, прославляемый во Святей Троице, Ему же вкупе со святыми ангелами вьну вопиеши: Аллилуиа.

## И́кос 7

Новую показа безчеловечия ярость зверообразный мучитель, егда тебе, святая мученице Параскево, повеле на древе повесити и свещами горящими опаляти твоя девическая ребра. Сие пачеестественное терпение твое благоговейно воспоминающе, похвалами блажим тя сицевыми:

Радуйся, многообразныя болезни за Царя Христа Бога претерпевшая; радуйся, яко пред лицем человеческим аще и муку прияла еси, упование же твое безсмертия исполнено есть.

Рáдуйся, я́ко повéшена была́ еси́ на дрéве Христа́ ра́ди, на Крестé распя́того, да венце́м нетле́ния от Него́ увязéшися; ра́дуйся, я́ко стрóгана была́ еси́ по ребро́м, Иису́са ра́ди копи́ем в ребро́ прободéнного, да Цáрством Его́ Небе́сным наслади́шися.

Рáдуйся, я́ко огонь́ любви́ к Бо́гу в се́рдце твоéм возжгла́ еси́; ра́дуйся, я́ко за Того́ свещáми о́гненными пали́ма была́ еси́.

Рáдуйся, тверде́йшая адама́нта в терпе́нии твоéм показáвшаяся; ра́дуйся, в ве́ре во Христа́ Го́спода крепча́е па́че ка́мене, в му́жестве непоколеби́мом пребы́вшая.

Рáдуйся, я́ко огне́м опаля́ема, о́гненною му́дростию пла́мень угаси́ла еси́ естéственный; ра́дуйся, я́ко свещу́ неугаси́му душе́вную соблю́дши, вошла́ еси́ со Хри́стом, Женихо́м твои́м, в черто́г Небе́сный.

Рáдуйся, я́ко чуде́сными й́сками стра́сти умертви́вши, де́монския полки́ страда́льчески победи́ла еси́; ра́дуйся, я́ко страда́ниями твои́ми мног наро́д к познáнию й́стинного Бо́га привела́ еси́.

Рáдуйся, Параске́во, невесто́ Хри́стова́ всехва́льная.

## Конда́к 8

Стра́нное и стра́шное свята́я му́ченицы Параске́вы страда́ние ви́дяще, ве́рнии удивля́хуся zelo: ка́ко мла́да отрокови́ца су́щи, в ю́ности телеси́ такова́я му́жественно за Христа́ терпи́т му́ки, слéзнаго испо́лнишася умилéния? Невер́нии же трéпетом одержи́ми и чуде́сными й́сками опаля́еми от А́нгела, бежа́ху. Мы же, прославля́юще дивна́го во свята́х Бо́га, вопие́м: Аллилу́иа.

## Й́кос 8

Весь Сладча́йший Иису́с сла́дость, весь желáние тебе́ бысть, свята́я му́ченице Параске́во: сла́дце бо Его́ ра́ди горькия терпéла еси́ му́ки, глаго́лющи к мучи́телю: «Вра́же нечестивы́й игéмоне, что неистовствуеши на христиáны? ни ца́рства у тебе́ отъя́х, ни гра́да твоего́ разори́х, но бу́ими словеси́ увещáти мя помышля́еши. Аз плóти моея́ не щажу́ за Христа́ моего́, занé Он любит мя: к Немú пойдú и Того́ бу́ду невеста́. Той мене́ спасéт от рук враг мои́х и да́рует ми жизнь вéчную». Поминáюще сицевáя твоя́ словеса́ и до́блественныя по́двиги твоего́ исповéдничества, вопие́м ти:

Рáдуйся, зло́бы невер́ных не устращи́вшаяся; ра́дуйся, твáри па́че Созда́вшего не послужи́вшая.

Рáдуйся, во е́же сопротивля́тися враго́м Бо́жиим, в духо́вное всеору́жие благода́ти Бо́жией облéкшаяся; ра́дуйся, и́долом немýм и глухи́м в ка́пище и́долском не поклонив́шаяся.

Рáдуйся, и́менем всеси́льнаго Го́спода и твоéю к Немú моли́твою вся и́долы та́мо сокруши́вшая; ра́дуйся, де́монов кова́рствия Божéственною си́лою упраздни́вшая.

Рáдуйся, томле́ния мучи́телей Крестом́ Господним, я́ко держáвным ору́жием, му́жески победи́вшая; ра́дуйся, о́гненное опалéние и жжéние дéвственного телесé твоего́ в воню́ мира́ Хри́сту́ Бо́гу принéсшая.

Рáдуйся, ве́ру, наде́жду и любви́ к Бо́гу сохрáншая; ра́дуйся, победы́ вене́ц от ру́ки Христа́ Жизнода́вца приéмшая.

Рáдуйся, рекó, испо́лненная благода́ти Бо́жия вода́ми; ра́дуйся, исто́чнице, кипя́щий чуде́с изли́янии.

Рáдуйся, Параске́во, невесто́ Хри́стова́ всехва́льная.

## Конда́к 9

Все́ми богокра́сными ле́потами добродете́лей украси́вши себе́, прехва́льная му́ченице Па-  
раске́во, яви́лася еси́ твёрда и непоколеби́ма во испове́дании ве́ры Христо́вы. Сего́ ра́ди  
а́нгельское естество́ ве́лиею возра́довася ра́достью, узрэвше му́жественную кре́пость  
твою́ и твёрдое твоё упова́ние. И мы слы́шавше, ка́ко посрами́ся лука́вый враг, от де́вы  
побежда́емь, и ка́ко Сам Христо́с Бог досто́йно венча́ет тя му́ченицу, кúпно с тобо́ю ра́до-  
стно вопие́м прославля́ющему тя Го́споду: Аллилу́иа.

## И́кос 9

Витийствующий язы́к не возмо́жет восхвалити́ де́ла тво́я и вели́кия страда́льческа́я тво́я  
по́двиги по досто́йнию, сла́вная му́ченице Параске́во. Кто бо по́весть страда́ния тво́я и  
добродете́ли? На суди́щи бо испове́давши и́стиннаго Бо́га, от безчелове́чных мучи́телей  
претерпе́ла еси́ лю́тая, боле́зненная страда́ния; и в сих жесто́ких боле́знях бы́вши па́ли-  
цами би́ема, желе́зными ноготы́ми строга́ема и огнём пали́ма, ничто́же и́но веща́ла еси́ к  
Созда́телю тво́ему, то́кмо си́е: «Спаси́ мя, Го́споди, недосто́йную рабу́, не разлучи́ мене́,  
Христэ́, от Тво́его жела́ния!» Смирённо помина́юще сицева́я тво́я страда́ния, умилённую  
песнь прино́сим ти, глаго́люще:

Ра́дуйся, кро́вию страда́ния тво́его Христо́му Бо́гу уневе́стившаяся; ра́дуйся, страсте́м Хри-  
сто́вым подража́вшая.

Ра́дуйся, любве́ ра́ди Господни жесто́кия муче́ния претерпе́вшая; ра́дуйся, от Небе́снаго  
Царя́ благоле́пный вене́ц восприя́вшая.

Ра́дуйся, я́ко всем ве́рным воспомина́ние твоё пресла́дко; ра́дуйся, я́ко всей Це́ркви Хри-  
сто́вой и́мя твоё прече́стно.

Ра́дуйся, досточу́дное а́нгелом и челове́ком зрелище бы́вшая; ра́дуйся, и са́мых мучи́те-  
лей непобеди́мым терпением тво́им удивив́шая.

Ра́дуйся, я́ко Сам Господь свы́ше призре́ на тво́я страда́ния; ра́дуйся, я́ко Сам Той Подви-  
гополо́жник похвали́ тво́я по́двиги.

Ра́дуйся, де́вам добро́то и похваление́; ра́дуйся, му́чеником красото́ и ве́рным утешение́.

Ра́дуйся, Параске́во, невесто Христо́ва всехва́льная.

## Конда́к 10

Спаст́и хотя́ ду́шу твою́, о теле́ твоём всячески небрегла́ еси́, свята́я му́ченице Параске́во.  
Егда́ бо на тя и ме́чное на смерть осужде́ние изы́де от беззаконнаго мучи́теля, ты под меч  
о́стрый, а́ки под вене́ц кра́сный, ра́достно потекла́ еси́; и во главу́ усекнове́на бы́вши,  
душе́ю тво́ею воспари́ла еси́ в черто́г Жени́ха тво́его Безсме́ртнаго, Христа́ Бо́га, Ему́же  
вы́ну на Небесе́х ны́не воспева́еши: Аллилу́иа.

## И́кос 10

Стена́ была́ еси́ кре́пка и непоколеби́ма во испове́дании ве́ры в Трине́днаго Бо́га. Сего́  
ра́ди многоболе́зненная страда́ния от мучи́теля претерпе́ла еси́ и, до́бре сконча́вши



течение твоё, венец от Христа Бога прияла еси, и ангельских ликостояний на Небесех сподобилася еси. Темже воспоминающе твои подвиги, убожаем тя, многострадальная: Радуйся, течение мученического пути добре скончавшая; радуйся, веру безсмертному Жениху Христу до смерти сохраняя.

Радуйся, в житии твоём богоугодными делы Господеви послужившая; радуйся, за любовь ко Христу Богу всю мирскую суету отвергшая.

Радуйся, силою свыше на брань противу сил преисподних препоясанная; радуйся, победоносною славою в высших от Христа Победителя одетая.

Радуйся, оружием благоволения Божия венчанная на земли; радуйся, цветом неувядаемым украшенная на Небесех.

Радуйся, христианом крепкое прибежище; радуйся, верным твердое заступление.

Радуйся, беспомощных защитительнице; радуйся, сирых покровительнице.

Радуйся, Параскево, невесто Христова всехвальная.

## Кондак 11

Пение наше всякое побеждается, и многое множество хвалёбных песней, восписуемых ти, несть довольно по достоянию восхвалити тя, прехвальная мученице Параскево. Обаче молитвами твоими получающе от Христа Бога неисчетная благодеяния, благодарни суще, поём о тебе Ему: Аллилуиа.

## Икос 11

Воссиявши нам, яко светило светозарное, мрак демонский от человек твоими мольбами отгоняеши, святая мученице Параскево, приемши бо благодать целити недуги, всем верным, притекающим к тебе с молитвою, подаеши исцеление: кровоточивии бо и прокаженнии прикосновением к раце мощей твоих очищаются, глухнии слышат, расслабленнии здрави бывають призыванием святого твоего имени. Мы же, поминяюще скорое заступление твоё, вопием ти:

Радуйся, благовонная смиренно, Церковь Христова благоухающая; радуйся, благонадёжная молитвеннице, фимиам молитвы о нас к Богу приносящая.

Радуйся, мироположнице исцелений неоскудная; радуйся, сокровище Божиих даров неизживаемое.

Радуйся, чаше, от обилия дому Божия черплющая радость; радуйся, сосуде, от исполнения Христова приемлющий всех благ небесных сладость.

Радуйся, благодатную росу исцелений всем верным источающая; радуйся, скорбных сердца недужных дарованием исцелений ободряющая.

Радуйся, яко Христос Бог за доблественная твои страдания славу и велеление на тя возложил есть; радуйся, яко тебе Царь царствующих и Господь господствующих блаженство Царствия Своего даровал есть.

Радуйся, Царствия Христова сонаследнице; радуйся, славы Божией сопричастнице.

Радуйся, Параскево, невесто Христова всехвальная.

## Конда́к 12

Благода́ть от Бо́га дана́ ти есть подава́ти исцеле́ния всем тре́бующим, я́ко от исто́чника пребога́таго, хранити же и соблюда́ти от разли́чных боле́зней, бед и скорбе́й вся́каго че-лове́ка, ве́рою, любóвию и благоговéнием честна́я твоя́ страда́ния воспомина́ющаго и почита́ющаго. Молитвеннаго твоего́ о нас предста́тельства и благода́тных дарова́ний не лиш́и и нас, многострада́льная Христо́ва страстоте́рпице. Да и мы, здра́ви су́ще те́лом и ду́хом, в ны́нешней и бу́дущей жи́зни о тебе́ поём Бо́гу: Аллилу́иа.

## И́кос 12

Поём твоя́ кре́пкия по́двиги, почита́ем страда́ния, хва́лим долготерпе́ние, ублажа́ем святу́ю твою́ кончи́ну, сла́вим твоё в немо́щнем те́ле непобеди́мое му́жество, и́мже на землі и на Небеси́ просла́вилася еси́, свята́я и добропобе́дная му́ченице Параске́во. И в честь твоих победоно́сных по́двигов и страда́ний похва́льная воспису́ем ти сия́: Ра́дуйся, от а́нгельских чино́в в сожи́тельство их любéзно прия́тая; ра́дуйся, от де́вствен-ных лико́в в черто́г небесный ра́достно введённая. Ра́дуйся, от му́ченических полко́в под венéц сла́вы провожда́емая во гла́се ра́дования; ра́дуйся, от небесных жи́телей приéмлющая о Го́споде целова́ние. Ра́дуйся, я́ко мзда твоя́ мно́га есть на Небесе́х; ра́дуйся, я́ко ра́дость твоя́ вéчна есть во све́тлости святы́х. Ра́дуйся, в небесном черто́зе Божественнаго Жениха́ твоего́ со а́нгелы Его́ веселя́щаяся; ра́дуйся, лицезре́нием Всеблага́го Го́спода та́мо вку́пе со святы́ми наслажда́ющаяся. Ра́дуйся, душе́вных и телесных неду́гов на́ших целите́льнице; ра́дуйся, душеспаси́тель-ных благ и небесных даро́в пода́тельница. Ра́дуйся, я́ко тобо́ю от неча́янная сме́рти сохранитися упова́ем; ра́дуйся, я́ко твои́м за-ступле́нием вéчную жизнь от Христа́ Бо́га уллучи́ти благонаде́жно ча́ем. Ра́дуйся, Параске́во, невесто Христо́ва всехва́льная.

## Конда́к 13

О свята́я премудра́я и всехва́льная му́ченице, невесто Христо́ва Параске́во! От благоговéйных серде́ц прино́симую ти, а́ще и недостойную, хвале́бную песнь сию́ приими́ от нас, я́ко усердную же́ртву серде́ц, любя́щих тя и че́ствующих святу́ю па́мять твою́. Охраня́й нас молитвами твои́ми святы́ми, и вся лю́ди, притека́ющия к честне́й ико́не твое́й и с любóвию лобыза́ющия ю́, избавля́й от вся́каго зла́го обстоя́ния и ско́рби. Да тихое и безмо́льное жити́е поживше в ны́нешнем ве́це, блаже́нство вéчное насле́дим, и купно́ с тобо́ю и все́ми святы́ми ви́ну сподо́бимся воспева́ти Бо́гу: Аллилу́иа.

Премудрость. Пресвятая Богородица спаси нас.

Честнейшую.

Слава Тебе, Христе Боже, Упование наше.

Слава и ныне. Господи помилуй (трижды). Благослови.

Отпуст.

Христос, истинный Бог наш, молитвами пречистыя Своея Матере, преподобнаго отца нашего Давида Гареджийскаго, преподобнаго Стилиана Пафлагонскаго, святых и праведных Богоотец Иоакима и Анны и всех святых, помилует и спасет нас, яко Благ и Человечколюбец.

Господи помилуй (трижды).